

Trintasese ritrogadu "Pro sa Morte de s'Isposa

Scritto da Anselmo Ricci

Lunedì 03 Agosto 2009 15:00 -

Il trintasese per la morte di Isabella Sarai, deceduta il 27/12/1943, la quale era fidanzata con Anselmo Ricci, ci rivela quelle che erano le nostre tradizioni nel passato.

TRINTASESE RITROGADU

"PRO SA MORTE DE S'ISPOSA"

Su vintisette, de Nadale sa die

Mancàda m'est s'isposa tott'in d'una,

Cun tristura ricorre custa data.

Pro su chellu Isabella fisti fatta

Fulgida istella 'e cussu tronu bellu

Isabella, fisti fatta pro su chellu

De cussu tronu bellu fulgida istella,

Pro su chellu fisti fatta, Isabella,

Ca fisti anima pìa prima 'e morre.

Su vintisette, de Nadale sa die

Mancàda m'est s'isposa tott'in d'una,

Cun tristura custa data ricorre.

Lassàdu has cun dolore mamma e sorre,

pro esser dama a chie ti hat creàdu,

Cun dolore mamma e sorre has lassàdu,

Pro chie t'hat creàdu a esser dama,

Lassàdu has cun dolore sorre e mamma,

Pro viver d'eremita in sepoltura.

Su vintisette, de Nadale sa die

Mancàda m'est s'isposa tott'in d'una,

Custa data ricorre cun tristura.

De sa Provvidenzia, genuina creatura

Regina de virtùde e de innocenzia,

Creatura genuina de sa Provvidenzia,

De virtùde e innocenzia Regina,

De sa Provvidenzia creatura genuina,

Solu a mie hat riservàdu s'isfortuna.

Custa data ricorre cun tristura

Su vintisette, de Nadale sa die,

Mancàda m'est s'isposa tott'in d'una.

Preparàdu han sa capella sole e luna,

E a Isabella ch'hana collocàdu,

Sole e luna sa capella han preparàdu,

E ch'hana collocàdu a Isabella,

Sole e luna preparàdu han sa capella,

De lizos, ciclaminos e de rosas.

Custa data ricorre cun tristura

Su vintisette, de Nadale sa die,

Tott'in d'una mancàda m'est s'isposa.

Stimàdu coro meu, 'ue riposas

**Prite pro Deu m'has
abbandonàdu?**

'Ue riposa coro meu istimàdu,

E prite abbandonàdu m'has pro
Deu?

'Ue riposa istimàdu coro meu,

Pottas esser dae nois adoràda.

***Custa data ricorre cun
tristura***

***Su vintisette, de Nadale sa
die,***

Tott'in d'una s'isposa m'est

mançada.

Retzida dae s'istella ses istàda,

In su prus bellu t'hat toltu sa
vida,

Dae s'istella istàda ses retzìda,

Sa vida t'hat toltu in su prus
bellu,

Retzìda ses istàda dae s'istellu,

Fiore meu candidu che nie.

***Cun tristura ricorre custa
data***

***Tott'in d'una mancàda m'est
s'isposa,***

***Su vintisette, de Nadale sa
die.***

Gesusu nd'hat leàdu solu a tie,

S'hat separàdu pro non s'ider
piùsu,

Leàdu solu a tie nd'hat Gesùsu,

Pro non s'ider piùs s'hat
separàdu,

Gesùsu solu a tie nd'hat leàdu,

A su Regnu Divinu Celestiale.

***Cun tristura ricorre custa
data***

***Mancàda m'est s'isposa
tott'in d'una,***

Sa die vintisette de Nadale.

Sos cantos più bellos
pastorales,

Ti fettan sos Anghelos cun sos
Santos,

Sos più bellos pastorales
cantos,

Cun sos Santos Ti fettan sos

Anghellos,

Sos cantos pastorales più
bellos,

Mi tocca custu legge chi
rispette.

***Cun tristura ricorre custa
data***

***Mancàda m'est s'isposa
tott'in d'una,***

De Nadale sa die vintisette.

Adiosu, e mi 'nde lèò su
bonette,

Creo chi non Ti scordes de
s'isposu,

Mi 'nde lèò su bonette...e
adiosu,

Chi non Ti scordes de s'isposu

creo,

Adiosu... e su bonette mi 'nde
leo:

Connoschia ses'in chelu o
prenda rara,

Prega pro tottus Isabella cara.

Composta da ***Anselmo RICCI***
in occasione della morte della
di Lui fidanzata
Isabella
SARAI